



UNIVERSITÄTS-
BIBLIOTHEK
PADERBORN

Universitätsbibliothek Paderborn

Unus Pro Omnibus, Hoc est: Christus Jesus Dei Filius

Ginther, Anton

Augustæ Vindelicorum, 1733

VD18 12431648

Consideratio LXXXVI. Crucifixus Jesus rebus in afflictis solamen nopstrum
& auxilium in tempore opportuno.

[urn:nbn:de:hbz:466:1-45934](https://nbn-resolving.org/urn:nbn:de:hbz:466:1-45934)

CONSIDERATIO XCVI.
 Crucifixus Iesus rebus afflictis solamen
 nostrum, & auxilium in tempore op-
 portuno.

*Adeamus ergo cum fiducia ad thronum gratia, ut miseri-
 cordiam consequamur, & gratiam inveniamus in auxi-
 lio opportuno. Hebr. 4. 16.*

I.

AD David afflictum, & à Saule multis exagitatam persecutio-
 nibus plures venerunt afflicti, desolati, ac debitis gravati ali-
 enis, ut ab eo in tempore opportuno optatum obtinerent
 1. Reg. 22. 2. **A**uxilium: *Convenerunt ad eum omnes, qui erant in angustiis con-
 stituti, & oppressi aere alieno, & amaro animo, & factus est eorum
 princeps.* Princeps omnium tribulatorum & afflictorum est crucifixus
 Hebr. 4. 15. Dominus Deus noster: *Non enim habemus Pontificem; qui non possit compati
 infirmitatibus nostris; Quare ergo miseri mortales non in omni tribula-
 tione nostra ad eum confugimus? Audi Apostolum Hebræos suos
 recens ad Christum Pontificem suum conversos, & ideò magnas à fal-
 sis fratribus sustinentes persecutiones, quomodo eos in afflictione sua
 hortatus & consolatus sit: Adeamus ergo cum fiducia ad thronum gratia, ut
 misericordiam consequamur.* Thronus gratiæ erat olim Propitiatorium:
 Exod. 25. 17. *Facies & propitiatorium,* quod erat locus placationis, eò quòd ibi Deus
 Moyfi apparens, & cum eo loquens, placabatur, & propitiabatur po-
 pulo. Allegoricè autem hoc propitiatorium significabat Christum:
 Rom. 3. 21. *Quem proposuit Deus propitiationem per fidem in sanguine ipsius,* alii legunt
Propitiatorem, qualis Christus in cruce pro nobis factus est; ad hunc
 ergo in nostra tribulatione veniamus, ut gratiam inveniamus in auxi-
 lio opportuno.

2. Filii Jacob Patriarchæ, licèt perfidi, in necessitatibus suis, &
 in tempore extremæ famis venerunt ad fratrem suum Joseph in
 Ægy-

Ægyptum, ut ab eo vitæ necessaria reciperent, quos omnes, licet inter viginti anni effluxissent, bene novit, benignè accepit, oscularus & amplexatus est: *Ego sum Joseph frater vester, quem vendidistis in Ægyptum: Gen. 45. 4. nolite pavere &c.* Anima peccatrix! quæ toties per delicta tua vendidisti Jesum tuum in mortem, & quidem in mortem crucis, noli pavere, adhuc enim gratiarum Dominus vivit, adhuc aperta sunt Sanctissima ejus Vulnera: *Ego sum ostium, per me si quis introierit, salvabitur. Veni proinde, anima mea, ad Crucifixum Redemptorem tuum, & dic ei cum prædictis Josephi fratribus: Meritò hæc patior, quia peccavi in fratrem meum Jesum; sed quia benignus & misericors est, patiens & multæ misericordiæ, & præstabilis super malitia, neque vult mortem peccatoris, sed ut convertatur, & vivat, idè non despero, sed multò magis spero ab hoc crucifixo amore meo veniam, gratiam ac misericordiam in tempore opportuno, ac præsertim in supremo agone; hoc est tempus opportunum, ex quo pendet tota aternitas.*

3. Aaron Sanctus Domini, id est à Deo sanctificatus & consecratus in Sacerdotem, ubi ex proceribus ducenti quinquaginta viri, & ex populo quatuordecim millia hominum & septingenti ob murmurationem in castris igne cœlesti consumpti sunt, condolens animum tantæ stragi, se mediatorem inter DEum & hominem interposuit, unde vestibus Pontificiis ornatus cum arrepto thuribulo accurrit, & inter mortuos ac viventes stans per orationem suam ac thurificationem impedivit, ne ulterius procederet incendium: *Et stans inter mortuos ac viventes, pro populo deprecatus est, & plaga cessavit. Num. 16. 48.*

En perelegantem typum in Christo crucifixo expletum. Aaron pretiosâ tiarâ erat ornatus, Christus in cruce spineâ redimitus coronâ: Aaron aureis annulis in manibus, Christus ferreis clavis: Aaron gemmatum gestabat pectorale, Christus crudeli lanceâ apertum latus: de capite Aaron fluebat in vestimenta ejus unguentum odoriferum: *Sicut unguentum in capite, quod descendit ad oram vestimenti ejus, de capite Christi fluebant rivuli divini cruoris, ut capilli illius sanguine conglutinati, quasi unus restis viderentur, ita B. Virgo ad S. Birgittam: quasi restis, hinc bene dicere poterat: Vulnerasti cor meum in uno crine collicap. 79.* Aaron medius inter vivos & mortuos stetit deprecans Dominum: *Et plaga cessavit, Christus in cruce in suppedaneo stans, ut probat S. Irenæus, ferreisque affixus clavis, ut eò firmiter inter mortuos & viventes staret, pro populo deprecatus est, & plaga cessavit; unde Apostolus: Pacificans per sanguinem crucis, sive qua in terris, sive qua in cœlis sunt. O Col. 1. 20.* plus quàm Aaron!

Ginther Unus pro omnibus.

Z z

Ecce

Ecce quomodo Crucifixus Iesus solamen nostrum sit & auxilium in tempore opportuno; quarebant enim tunc, pendente Domino in cruce, vindictam contra insensatos peccatores creaturæ omnes, cœlum & terra, sol & luna, & ipsæ petre scissæ sunt, ac monumenta aperta &c. ipse verò mitissimus Iesus ad Patrem pro populo deprecatus est: *Pater dimitte illis; Et plaga cessavit, & exauditus est pro sua reverentia: Quis, obsecro, non amet talem ac tantum Redemptorem? quis ipsum imposterum audebit adhuc offendere? Verè dilexit nos, & tradidit semetipsum pro nobis.*

Ephes. 5. 2.

Prov. 8. 30.

4. Audi eandem æternam Veritatem & incarnatam Patris Sapientiam: *Delectabar per singulos dies, ludens coram eo omni tempore, ludens in orbe terrarum; & delicia mea esse cum filiis hominum.* Et quare cum filiis hominum, & non cum Angelis? Nunquid Angeli erant domestici tui? Et quid est homo, quod memor es ejus? Observa Christum non Angelorum, sed hominum assumpsisse naturam, quibus ob naturæ corruptionem virtus ardua & difficilis est, quos per adventum suum & passionem roborare & consolari voluit. Ita effecit, ut in deliciis esset S. Petro & Andrea crux, S. Laurentio craticula, S. Sebastiano sagittæ, & sic de cæteris Sanctis ac Electis Dei, qui ab hoc occiso in cruce leone de tribu Juda in omnibus adversis suis suavissimum mel hauriebant: *De forti dulcedo.* Didacus Nissenus hanc subdit rationem: *Homines, inquit, venatione prædicationis & aucupio crucis cepit; Et Hugo Cardinalis: Potius sunt ei deliciae in filiis hominum, quam in Angelis, vel in aliis creaturis à se conditis; quia de iis, quæ aucupio vel venatione capiuntur, fiunt deliciae, non autem de domesticis.*

Dom. 1. Quad.
5. 1.

Apocal 3. 19

Psal. 90. 15.

5. Si ergo Christi deliciae sunt esse cum filiis hominum, etiam cum miserrimis, derelictis & angustiatis, quare igitur tantoperè gravamur, si crux aliqua nos affligit? Pater est, qui nos castigat: *Ego quos amo, arguo, & castigo, quem quotidie invocamus: Pater noster, qui es in caelis; quis ergo de manu illius non libenter aliquam crucem suscipiat? Audi ipsum loquentem: Cum ipso sum in tribulatione, eripiam eum, & glorificabo eum.*

Gen. 44. 2.

S. Ambr. hic.

Joseph Patriarcha sedens in throno regio Ægypti soli Benjamin fratri suo dilectissimo scyphum dedit: *Scyphum meum argenteum, & præmium quod dedit tritici, pone in ore sacci junioris, factumque est ita &c.* Ut sic teneriorem erga hunc fratrem suum germanum contestaretur affectum; Supra quod S. Ambrosius: *Fecit reum rapina, ut teneret obsequium gratia.* Ita & Christus scyphum suum, seu calicem passionis illis tribuit, quos teneriùs diligit. Et quis, obsecro, non cum gaudio &

Solatio ex hoc calice Domini bibat? Calicem, quem dedit mihi Pater, non bibam illum?

Fel amarissimum est, & symbolum tribulationum, quod nihilominus cæcos Tobie senioris oculos mirificè curavit, pristinumque ei vitum ac lumen restituit: Fel valet ad unguendos oculos, in quibus fuerit albugo, & sanabuntur. Sic tribulationes primâ fronte videntur nobis valde amare, ut fel, sed mentis & animæ cœcitatem in nobis mirum in modum curant, & ad cœleste regnum promovent; proinde sunt pignus & arrha electionis ad gloriam.

6. Vidit aliquando dilectus Christi Discipulus in raptu innumeram electarum animarum turbam, stantem ante thronum Dei cum stolis albis & palmis, gratias agentes, & laudantes Deum, & clamabant voce magna: Salus Deo nostro, qui sedet super thronum, & Agno; ubi audita est vox unius de Senioribus (Lyranus vult fuisse S. Petrum) clamantis & dicentis: Hi qui amici sunt stolis albis, qui sunt? Et unde venerunt? Et responsum ipse dedit: Hi sunt, qui venerunt de tribulatione magna, & laverunt stolas suas, & dealbaverunt eas in sanguine Agni; idè sunt ante thronum Dei. Ecce fructum tribulationum, ac præsertim SS. Vulnerum & meritorum Christi JESU crucifixi & Agni pro peccatis nostris occisi, in cujus sanguine laverunt, & dealbaverunt stolas & animas suas omnes illi Electi. Quid ergo restat, nisi ut crucifixum antesignanum nostrum in omnibus tribulationibus fideliter sequamur, & gratias illi agamus, quidquid evenerit. Sic si socii erimus tribulationum, erimus & consolationum.



Z z z

CON.